

## ADAM IM IV REJ JERŌWIWI

Köttōpar ko an katak in:

- Kwaļok bwe Adam im Iv raar pepe in jab pokake Anij meñe Anij e kar jouj ñan er.
- Kwaļok bwe Adam im Iv raar ļoor ankilaer make.
- Kwaļok bwe Adam im Iv raar jepel jān Anij ke raar jerŏwiwi.

Meļeļe ko reļap ilo katak in:

- Jen lo bwe e nana ad jerŏwiwi kōnke je jab tōmak Anij.
- Jen lo bwe e nana ad jerŏwiwi ñae Anij kōnke E Ri Kōmanman Eo im eņman.
- Jen lo bwe eļap jorrān ej waļok jān ad jerŏwiwi.

Ad katak kōn jinoin laļ in ej kwaļok ñan kōj bwe Anij e kwōjarjar otem kwōjarjar. Ej barāinwōt kwaļok ñan kōj joñan ad nana. Jej aolep minene kōn eon eo me ej ba, “Ejjeļok rū wānōk; ejjeļok juon” (Rom 3:10).



Jet iien jej kajerbal eon in ilo ad kameraike ļok ad nana. Ekkā wōt an waļok eon in ñe juon armej ej ña ruon bar juon. Armej eo eņōj ña ruon e kijoñ ba, “Āinwōt ad jeļā, ejjeļok rū wānōk ejjeļok juon.” Ej āinwōt ba, “Jej aolep ri jerŏwiwi, kōn men in, ejjeļok tokjān aņ kananaik eō.” Mool ke bwe Anij ear letok eon in bwe jen jekpen kake? Ejab.

Anij ear letok eon in bwe En kaņool ñan kōj aolep bwe kōj ri nana im e tōllōkōd mej indeeo. Rom 3:11 ej ba bwe ejjeļok juon ej kapukot Anij, im 18 eon ej ba bwe ejjeļok mijak Anij ippān armej. Joñan an ļap an Anij yokwe kōj, ej kappukot kōj meñe je jab kappukot e. Jenaaj lo men in rainin ilo ad katak kōn an Adam im Iv jerŏwiwi ñae Anij.

### 1. Adam im Iv raar mōñā leen wōjke eo.



*Jenesis 3:6 Im ke lio ear lo bwe eņman leen wōjke eo ñan mōñā, im oļeņ ñan mejan, im juon wōjke eņman bwe en kamālōtlōt, ear bōk jān leen, im mōñā, im ear barāinwōt leļok ñan ļeo pāleen ippān, im ear mōñā.*

Iv ear tōmak riab ko an Jetan. Meñe ear jeļā naan ko me Anij ear ba, ear kāālōt naan ko an Jetan.




- Ear tōmak bwe e mool naan ko na Jetan.
- Ear tōmak bwe enaaj mālōtlōt āinwōt Anij.
- Ear tōmak bwe enaaj eņmanļok an mour eļañe ej kōmman ankilaan make.

Adam ear bar āinwōt jeļā, bwe eņōj an Anij ba, “Kwōn jab mōñā leen wōjke in jeļā eņman im nana ñe ab kwō naaj mej.” Adam ear lōke Anij ke? Ear jab.

- Adam ear kōḡaan bwe en make iaan jān Anij.
- Ear kōḡaan make pepe kōn ta eḡḡan im ta nana.
- Ear jab kōḡaan bwe Anij en kein ka juon ilo būruon; ear kōḡaan bwe en make kein ka juon.
- Ear kōḡaan bwe en kōḡḡan kōḡaan ko an make im bwe en an make boss.
- Ear jab kōḡaan bwe Anij en irooj ioon.

Ewor wor ke an Anij maroñ bwe En irooj ioon Adam? Aet. Etke? Kōnke Anij ear kōḡanḡan e im oḡake aolep aikuḡ ko an. Ewor ke an Anij maroñ in jiroñ kōḡ kōn ta eo jen kōḡḡane im jab kōḡḡane? Aet. Ad mour ej itok jān Anij.



Eḡōḡ ke an Anij kōḡḡan juon nana ñan Adam im Iv? Jaab. Ear kōḡḡan eḡḡan wōt. Bōtab raar ukōt An eḡḡan kōn nana ke raar abwin pokake E. Āindein kōḡ. Ekkar bwe jen jook, bwe jej kōḡḡan nana ñan Anij meñe Ej kōḡḡan eḡḡan ñan kōḡ im kwaḡok jouḡ ñan kōḡ ilo elōñ wāween.

Ḳōḡḡak kake! E lukkuun alikkar naan in kakkōl eo an Anij. Eḡaññe Adam im Iv rej pokake Anij, renaaj ḡōḡōḡō. Eḡaññe rej ḡoore Jetan, renaaj jorraān. Eḡḡeḡok oktak ilo raan kein. Jej aolep jeḡā bwe oḡean jerōwiwi mej. Jej aolep jeḡā bwe Anij enaaj joḡok ri jerōwiwi ilo loḡaḡo in kijeek. Men kein re lukkuun alikkar, bōtab je kōḡaan wōt kāālōt Jetan jān Anij!




*Rom 1:21 Bwe, ke raar jeḡā Anij, raar jab wūḡtak E āinwōt Anij, im raar jab kaḡḡoolol E, a raar kautiej ḡōḡḡak ko aer, im būrueir e jaje kake e marokḡok.*

Āindein kōḡ ñe je jeḡā kōn Anij, ak je jab kōḡaan kautiej E im mour ñan E.

## 2. Adam im Iv raar jepel jān Anij



*Jenesis 3:7,8 Im e peḡḡok mejaerro, im raar jeḡā bwe re keelwaan; im raar āḡ bōlōk in wōḡke fig im kōḡḡan aer nuknuk. Im raar roñ ainikien Jeova Anij Ej etetal ilo jikin kallib eo ke ear aemedḡok, im ḡeo kab lio pāleen raar tilekek jān imaān mejan Jeova Anij i bwiljin wōḡke ko ilo jikin kallib eo.*



Anij ear ba bwe ilo raan eo erro naaj ḡōñā leen wōḡke eo renaaj mej otem mej. Lale ḡōk. E alikkar bwe re jañin kar mej kōnke raar tilekek. Raar barāinwōt kōḡḡan aer nuknuk. Ekwe, juon armeḡ me eḡōḡ an mej, eban ḡakūtkūt ñan jidik.

Etke raar jab mej? Meḡeḡe in ke bwe Anij ear riab? Wōn e jab ba bwe Jetan ear ḡool kōnke ear ba bwe re ban kar mej otem mej im ear waḡok āindein- raar jab mej. Eḡḡwe ke men in? Jaab!

- Anij e jab oktak.

- Anij ej kōmman men ko Ej ba aolep iien.
- Anij e jab meļokļok ke Ej ba enaaj kajeik jerowiwī.

Jen keememej lukkuun meļeļein naan in *mej*. Ke Adam im Iv raar jerowiwī innām raar jepel jān Anij. Ņe jej jeke raan juon wōjke e ban mej ilo ej ja iien eo im jej jeke. Eļāñņe jej bar kalbwīn e, enaaj mour im eddek ļok wōt. Jej ņa etan men in kattiņ. Bōtab, eļāñņe jej likūte wōt ra eo, enaaj aemedļok im mej.

**\* Anij e kwōjarjar im wānōk. Ej ba bwe ro rej jerowiwī rej aikuj in mej.**

Āindein kar Adam im Iv. Raar jepel jān Anij im eļāñņe raar jab bar koba Ippān, re naaj kar mej indeeo. Mour ej ippān Anij wōt, im eļāñņe je kōņaan mour innām jenaaj aikuj bar connect Ippān. Anij e jab riab. Anij e jab kōmman kōjak. E jab meļokļok jabdewōt men. Ņe Anij ej ba juon men, innām Enaaj kōmmane.

Ewi wāween bwe en āindein? Anij Ear iokwe Adam. Ear kōmanman e. Ear leļok ņan Adam juon an jikin jokwe. Ear leļok Iv ņan e. Eļāñņe Anij ear iokwe Adam, innām etke ear joļok e?



*Aiseia 59:2 A aņi kōmman ko re nana raar kōjepel koņ jān aņi Anij, im jerowiwī ko aņi raar pinej turin mejān jān koņ, innām E jab kōņaan roņ.*

Anij e kwōjarjar im wānōk. E ban kōmmao ippān ro me re jab pokake kien ko An. Ej dike aolep nana, im Enaaj kajeik ro re jab pokake E. Kōn an Adam im Iv jab pokake Anij, raar jepel jān E. Jān iien in im etal, raar jab ro jeran Anij. Kōn aer jep ippān ri kōjdat eo eļap an Anij, raar erom ro mōttan. Kōn aer jeraik Jetan, raar erom ri kōjdat Anij!



*Rom 6:23 Bwe oņean jerowiwī, mej ...*

E jako an Adam im Iv jemjera ippān Anij.



Eļāñņe juon mōttam ear oktak im jumae eok, im ear koba ippān juon ri nana me ear dike eok im kōņaan man eok, enaaj kar men in eddo būruōm! Eņin men eo ear waļok ke Adam im Iv raar oktak jān Anij im ļoore Jetan im tōmak riab ko an.



*Matu 12:30 Eo ej jab Ippa, e Aō ri kōjdat; im eo ejab āintok Ippā, ej kajeplōklōk.*

Barāinwōt Luk ej ba men in.



*Luk 11:23 Eo ejab Ippa, ej jumae Eō.*

Adam im Iv raar ri jumae Anij kōn aer kāālōt jerowiwī. Eļāñņe je jab Kūrjin, innām jej ri jumae Anij

āinwōt an Baibōl ba. Jet re naaj ba, “O, ña ij pād ioḷap. I jab kōḡaan Jetan, bōtab I jañin ukelōk. I mijak Anij, bōtab I jañin lōke Jijej.” Eḷaññe āindein am ḷōmḡak, innām kwe ri juḡae Anij. Ejjeḷōk ikōtaan. Ejjeḷōk ioḷap. Adam im Iv raar eḡroñ Jetan. Kōn men in raar erom ri kōjdate Anij.

### 3. Kakōḷle ko bwe raar jepel jān Anij.

E alikkar bwe raar jepel jān Anij kiiō.

(1) Mōkta, e oktak aer ḷōmḡak kōn ānbwinnier.

- Kiiō raar jeḷā ḷōmḡak nana.
- Raar jook kōn aer keelwaan.

(2) Raar kajjioñ in make oḡake aikuj ko aer. Mōkta ḷōk Anij ear oḡake aolep aikuj ko aer, ak kiiō raar kajjioñ in make oḡake aikuj ko.

- Raar make kōmḡan aer nuknuk jān bōlōken wōjke.
- Raar kajjioñ in mour āinwōt ejjeḷōk aer aikuj Anij.

Bōtab Anij e jab bōk kōj kōn wāween ānbwinnōd ak tu-likōd. Ej lale būruōd.

Āinwōt an Adam im Iv kajjioñ in kōmḡan bwe en bwe aer mour kōn aer kōmḡan aer nuknuk, jet armej ilo raan kein rej ḷōmḡak bwe re maroñ kōmḡan jet men bwe en bwe aer mour iḡaan Anij. Jet rej ḷōmḡak bwe renaaj eḡḡan iḡaan Anij eḷaññe:

- rej uwaan juon kabuñ
- re jouj ñan armej
- eḡōj aer ḡare, im re jab kadek im kabaatat
- eḡḡan aer lale ro nejeir



*1 Samuel 16:7 ... Jeova e jab lo āinwōt armej ej lo; bwe armej ej lale ālikin armej, a Jeova ej lale būruon.*

(3) Raar kajjioñ in tilekek jān Anij. Mōkta raar ḡōḡōḡō in kōmḡao ippān Anij, ak kiiō raar jook im jab kōḡaan pād Ippān.

Jerōwiwi ej kōmḡan bwe armej ren mijak im ren jab kōḡaan pād ippān Anij. Kar ḡokta, Adam im Iv raar jab mijak, im raar jab jook. Aolep men ilo laḷ in reḡḡan. E jañin wor nañinmej ak mej. Unin an wor mijak ilo laḷ in rainin ej kōn jab pokake Anij. Armej re mijak nañinmej, jab bwe ḡani, tariḡae, typhoon, mej, im elōñ bar jet men.

#### \* **Anij e tiljek, im E jab oktak.**

E jīmwe ke bwe Adam im Iv ren mijak Anij? Mool ke bwe Anij enaaj kajeik er kōn aer jab pokake E?

Jet iien jej roñ an rūtto ba ñan ajri, “Inaaj ḡan eok! Kwōnaaj metak!” Ak re jab kōmḡan jabdewōt men. Kōn men in ajri re jab mijak jineir im jemaer, im rej wanḡaanḷōk im bōt.



Äindein ke Anij? Jaab. Anij ej kōmman men ko Ej ba Enaaj kōmmane. Ear joḷok Jetan im enjeḷ ro re nana jān lañ.

Emōj ke an Anij ba ñan Adam im Iv ta eo enaaj waḷok eḷaññe re jab pokake? Aet. Emōj An kwaḷok yokwe eḷap ñan er, ak raar kāālōt in jab pokake E. Raar jab maroñ jekpen im ḡa ruōn Jetan. Aer make bōd men in. Ren kar yokwe im pokake Anij, ak meñe Ear jouj ñan er, raar kōmman nana ñan E. Kiiō, ekkar bwe ren mijak Anij. Aer mour ej jān Anij, im aolep men ko aer jān E, ak raar make pepe in oktak jān E!

E tōprak ke aer tilekek jān Anij? Jaab. Anij ear lo er ke raar kajjioñ in tilekek (Jenesis 3:9,10). Ewor ke jabdewōt jikin im je maroñ tilekek jān Anij? Ejjeḷok.

**\* Anij e pād ijoko otemjej.**

Jet iien, ñe armej rej kōmman nana, rej kōmmane ilo marok bwe armej ren jab lo er. Bōtab Anij ej lo im roñ aolep men. Emōj an Anij lo aolep men jaar kōmmani im roñ aolep men jaar ba.

Anij e jab oktak. Aolep iien Ej kōmmane men ko Ej ba Enaaj kōmmane.

Jetab e nana, im e ri riab. Ej moñe armej, im elōñ iien ej waḷok ainwōt juon enjeḷ in meram bwe armej ren jab kile bwe e Jetan. Ak e alikkar bwe e Jetan kōnke e jab kōḡaan bwe jen roñjake ñan Naan ko an Anij.

---

Kajjitōk ko:

1. Adam im Iv raar ke roñ naan in jiroñ eo an Anij ikijjien Wōjke in Jeḷā Emman im Nana?
2. Adam im Iv raar ke meḷeḷe naan in jiroñ eo an Anij ikijjien Wōjke in Jeḷā Emman im Nana?
3. Mool ke bwe unin an Adam im Iv jab pokake Anij ej kōn aer jab roñ ak jab meḷeḷe kōn naan in jiroñ eo an Anij?
4. Anij ear ba bwe Adam im Iv renaaj kar mej otem mej ke rej moññā leen wōjke eo. Jetan ear ba bwe renaaj kar mour. Wōn iaer ear kwaḷok mool, Jetan ke Anij?
5. Etke Adam im Iv raar jerōwiwi? (Kāālōt juon)
  - 1) Kōn an kajoor kapo an Jetan.
  - 2) Kōn an jab bwe an Adam im Iv meḷeḷe kōn ankilaan Anij.
  - 3) Kōn aer make kāālōt jerōwiwi.
6. Kōn an Adam im Iv jerōwiwi, raar jepel jān wōn?
7. Ta eo ej kōjepel aolep armej jān Anij?